



REPUBLIKA E SHQIPËRISË
BASHKIA Durrës
KËSHILLI BASHKIAK

VENDIM



Nr. 45, datë 29.05.2020

PËR

**DISA SHTESA DHE NDRYSHIME NË VENDIMIN E KËSHILLIT BASHKIAK NR.468
DATË 23.12.2017 “PËR SISTEMIN E TAKSAVE DHE TARIFAVE VENDORE NË
QYTETIN E DURRËSIT”, I NDRYSHUAR**

Në zbatim të Ligjit nr. 139/2015 datë 17.12.2015 “Për vetëqeverisjen vendore”, i ndryshuar, Ligjit nr.9632, datë 30.10.2006 “Për sistemin e taksave vendore ” i ndryshuar, Ligjit nr.68/2017, datë 27.04.2017 “Për financat e e vetëqeverisjes vendore”, Ligjit nr. 115/2014, datë 31.7.2014 “Për ndarjen administrativo-territoriale të njësisve të qeverisjes vendore në Republikën e Shqipërisë” i ndryshuar, Ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë” i ndryshuar, Ligjit nr.10296, datë 8.7.2010 “Për menaxhimin financiar dhe kontrollin” i ndryshuar, VKM nr. 226, datë 17.4.2019 “Për kategoritë e shërbimeve të ofruara nga entet shtetërore dhe subjekte të tjera, të cilat përfitohen me çmime të reduktuara përmes përdorimit të kartës së studentit”, VKB nr. 569 datë 20.12.2018 “Për sistemin e taksave dhe tarifave vendore në qytetin e Durrësit”, i ndryshuar dhe sipas relacionit të përgatitur nga Drejtoria e Taksave dhe Tarifave Vendore dhe Drejtoria e Arsim, Kulturë, Rini, Sporte dhe Komunitete Fetare në Bashkinë Durrës, me propozim të Zëvendëskryetares së Bashkisë, e cila kryen funksionet e Kryetares së Bashkisë,

KËSHILLI BASHKIAK

V E N D O S I :

1. Miratimin e ndryshimeve të Vendimit të Këshillit Bashkiak Nr. 468, datë 23.12.2017 “Për sistemin e taksave dhe tarifave vendore në qytetin e Durrësit”, i ndryshuar, si më poshtë vijon:

A. Tabela nr.3, Taksa mbi ndërtesat për kategorinë “Veprimtari tregti dhe shërbime” ndryshohet dhe formulohet si më poshtë :

Nr.	Kategoritë dhe nënkategoritë	Njësia	Niveli i Taksës mbi ndërtesat	
			A. Bashkia Durrës, Shkëmbi i Kavajes, Gjiri i Lalëzit,	B. Nj.A. Ishem, Katundi i Ri, Manez, Sukth, Rrashbull
1	Ndërtesa Banimi	Lekë/m ² /sipërfaqe shfrytëzimi	$67.500 \times 0.05 \% \times m^2 = 33.75 \times m^2$	$67.500 \times 0.05 \% \times m^2 \times 65 \% = 21.9 \times m^2$
2	Veprimtari tregti dhe shërbime BM	Lekë/m ² /sipërfaqe shfrytëzimi	$67500 \times 1.5 \times 0.2 \% \times m^2 = 202.5 \times m^2$	$67500 \times 1.5 \times 0.2 \% \times m^2 = 202.5 \times m^2$
	Veprimtari tregti dhe shërbime BV	Lekë/m ² /sipërfaqe shfrytëzimi	$67500 \times 1.5 \times 0.2 \% \times m^2 = 202.5 \times m^2$	$67500 \times 1.5 \times 0.2 \% \times 0.7 \times m^2 = 141.75 \times m^2$
3	Parkim i mbuluar dhe bodrume	Lekë/m ² /sipërfaqe shfrytëzimi	$67500 \times 0.2 \% \times m^2 \times 70 \% = 94.5 \times m^2$	
4	Parkim i hapur	Lekë/m ² /sipërfaqe shfrytëzimi	$67500 \times 0.2 \% \times m^2 \times 30 \% = 40.5 \times m^2$	
5	Veprimtari industriale	Lekë/m ² /sipërfaqe shfrytëzimi	$67500 \times 0.2 \% \times m^2 \times 50 \% = 67.5 \times m^2$	
6	Ndërtesa që përdoren për bujqësi dhe blegtori	Lekë/ m ² /sipërfaqe shfrytëzimi	$67500 \times 0.2 \% \times m^2 \times 30 \% = 40.5 \times m^2$	
7	Ndërtesat e privatizuara (për banim)	Lekë/m ² /sipërfaqe shfrytëzimi	$67500 \times 0.05 \% \times m^2 \times 70 \% = 23.6 \times m^2$	

B. Tek Përjashtimet nga taksa e ndërtesës, pikat h dhe j ndryshohen si më poshtë vijon:

- h) ndërtesat e banimit, të deklaruara si vendbanim nga kryefamiljarët që përfitojnë vetëm pension pleqërie/pension social, kur familja e tyre përbëhet vetëm nga pensionistë, ose dhe me persona në ngarkim të tyre, që janë të paaftë për punë;
- j) ndërtesat kulturore, nën mbrojtje të përkohshme ose të përhershme, për kohën në të cilën deklarohet mbrojtja, sipas legjislacionit në fuqi për monumentet e kulturës dhe/ose trashëgiminë kulturore, të cilat përdoren vetëm për qëllime jofitimprurëse

- C. Tek Tabela nr.8 “Taksa e tabelës”, pika IV, Tabelë në funksion të ekspozimeve të ndryshme të hapura, panaire, spektakle, stenda reklamuese, banderola, ndryshohet si më poshtë vijon:

IV	Tabela në funksion të ekspozimeve të ndryshme të hapura, panaire, spektakle, stenda reklamuese, banderola etj	
Të të gjitha llojeve dhe përmasave	lekë /m ² /ditë	1 000

- D. Në pikën A.3 “Tarifa të tjera” A.3.1 ”Tarifa të institucioneve të vartësisë”, pas tabelës 33, 34 të shtohet paragrafi:

Lehtësirat që përfitojnë studentët e pajisur me kartën studentit për frekuentimin e institucioneve socialkullore.

- Frekuentimi i Bibliotekës Publike të qytetit pa pagesë.
- Biletat për aktivitete kulturore që do të organizohen në Qendrën Kulturore “Aleksandër Moisiu” për çdo ditë të javës do të jetë 100 lekë, ndërsa në fundjavë do të jetë 200 lekë.
- Vizita në rrjetin muzeal do të jetë pa pagesë
- Bileta për frekuentimin e ambientit të pishinës që ndodhet në Lagjen nr.1 të qytetit tonë do të jetë 100 lekë/90 minuta.
- Biletat e aktiviteteve sportive (takime sportive dhe kampionate), që do të organizohen në Pallatin e Sportit “Ramazan Njala” do të jenë pa pagesë.
- Biletat e aktiviteteve sportive në stadiumin “Niko Dovana” (ndeshjet e futbollit), do të jetë 100 lekë/bileta.

- E. Pas tabelës 35 dhe 36 “Tarifat në kopshte e çerdhe”, paragrafi Përjashtimet, ndryshohet dhe formulohet si më poshtë vijon:

1. Familjet të cilat trajtohen me ndihmë ekonomike të përjashtohen nga detyrimi mujor.
2. Familjet me binjakë e lart paguajnë vetëm për njërin fëmijë.
3. Familje të cilët kanë një prind invalid (me komision mjeko ligjor) dhe tjetrin të papunë (vërtetim nga zyra punës) përfitojnë 50% reduktim nga detyrimi mujor.
4. Fëmijë të vajzave nëna, sipas statusit në regjistrat e Gjëndjes Civile përfitojnë gjithashtu 50% reduktim nga detyrimi mujor.
5. Familjet ku vetë fëmija që ndjek institucionet arsimore parashkollore është me aftësi të kufizuar të vërtetuar me komision mjeko-ligjor, përfitojnë 50% reduktim nga detyrimi mujor.
6. Fëmijët e komunitetit rom dhe egjiptian përfitojnë 50% reduktim nga detyrimi mujor.



2. Për zbatimin e këtij vendimi ngarkohen të gjithë Drejtoritë e Bashkisë Durrës si dhe Institucionet në varësi të saj.
3. Ky vendim hyn në fuqi 10 ditë mbas shpalljes (sipas përcaktimeve të nenit 55, pika 6, të ligjit nr.139/2015 “Për vetëqeverisjen vendore”, i ndryshuar).

KRYETARI KËSHILLIT BASHKIAK

Ani Dyrmishi



U shpall sot me datë 29.05.2020



REPUBLIKA E SHQIPËRISË
PREFEKTI I QARKUT DURRËS

Nr. ~~488~~ /prot.
15

Durrës, më 04.06.2020

Lënda: Verifikim i ligjshmërisë së aktit

KËSHILLIT BASHKIAK

DURRËS

Verifikova ligjshmërinë e Vendimit të Këshillit Bashkiak Durrës Nr.45 datë 29.05.2020 Për disa shtesa dhe ndryshime në Vendimin e Këshillit Bashkiak nr.468 datë 23.12.2017 “Për sistemin e taksave dhe tarifave vendore në qytetin e durrësit”, i ndryshuar.

E gjej atë të bazuar në ligj dhe në bazë të kompetencave që me jep Ligji Nr.107/2016 “Për Prefektin e Qarkut”, e konfirmoj bazueshmërinë ligjore të tij.

Duke ju falenderuar për bashkëpunimin.

PREFEKTI

ROLAND NASTO

